



Le La Val se descēda purmó tla secunda pert, canche le vantaje avversar é bel bindebo pesocho.

La squadra da Laiun s'à presenté l'ultim fin dl'edema a La Val. En aversar nü por i ladins, che se mosorâ decuntra por le prüm iade. De chësc n'á i sogadusc ladins degünes aspetatives, ince sce sön le papier pudô le Laiun alzé fora na devënta pesocia tl'ultima partida. I ghesch castighëia a dovëi tl prüm tēmp, anuzan la debla prestaziun di padruns de ciasa. Impormó tla secunda pert se oj la partida, mo dailó ne é i 45 menüc impone assá por oj daldöt le resultat.

Bele al 7^a röia le Laiun in vantaje, sön en lunch palonët ti sciampa l'atacant dërt al defensur y sön en contrast ti resta le curan ti pîesc y é ciamó bun de apogé la cogura te porta. Al ne passa tröp che al 10^a ti sciampa dal'atra pert l'atacant al defensur y vega na trata sëcia sot la stangia de porta ite. Na duscia frëida por i ladins, che á gran ora por se descedé, ince sce ma por cürt tēmp, ti gareta ince val bela sugada che ti pormët de ruvé a val trata prigorosa. I sogadus dl Laiun preferësc indere sughé cun i palés alc y mët in dificolté la defenjiun, insciö ti gareta ince le terzo gol al 30^a: la trata de puniziun da na pert vëgn indirizada cun prezijiun tl' incrujiada lungia de porta.

I padruns de ciasa rōia te ciamp tl secundo tēmp cun n ater spirit. Bele atira cunēsciun la vōia y la determinaziun de smōie valch. Al 48^a crossēia Michele amez por Alex E. che rōia cun sbunf adalerch y rebat sēch de ce te porta. Diesc menüc plō tert ti sciampa l'atacant Martin Menazzi ala defenjiun y vëgn contrasté amesa area: l'arbitr mostrà atira sōn le punt di ònescmetri. Christian Dapoz se presentēia ala trata y la trasformēia ince. Pūc menüc dedō vëgn sorví Stefan cun na passaja filtranta y tira te rēi cun prezijiun, le gol vëgn indere anulé por posiziun de forajüch. Le bun momēnt por La Val vegn desfanté dal quarto gol avversar. Sōn na rebatüda vega l'atacant Lintner na trata al jore dai vint metric he va a finí sot la stangia de porta. N bel gol che ti mēt le bastun tles giames al La Val. Na cherd'ora de tēmp ciamó, mo vigni sugada vëgn architada sō tl'ultim da n defensur. Da mostré sō ciamó la sterscia trata dalunc dl Laiun, daulach le palé rebat cuntra l'incrujiada de porta.

La Val – Laiun 2-4

Formaziun La Val: 1. Sepl Kantioler (8^a Nathan Massa), 2. Thomas Ploner (65^a Simon Campej), 3. Egon Frenes (60^a Philip Moling), 4. Paolo Vallazza, 5. Marco Castlunger, 6. Christian Dapoz, 7. Christian Terza (75^a Patrick Miribung), 8. Luca Bernardi (50^a Martin Menazzi), 9. Michele Campej, 10. Stefan Sottara – capitan, 11. Alex Elzenbaumer

Goi por La Val: Alex Elzenbaumer al 48^a y Michele Campej al 58^a

Proscima partida: La Val süga en duman sabeda dales 15:30 a Perca cuntra la squadra de ciassa

Atri resultac:

Altherren (La Val): La Val – Welsberg 2-1

Juniores Pool (Val Badia): Val Badia – Virtus Bolzano: 1-3

Giovanissimi (Val Badia): Niederdorf – Val Badia 4-0

U-13 (La Val): La Val – Kronteam 0-5

U-11 (La Val): Ridnauntal – La Val 7-2

U-9 (La Val): La Val – Brunech 1-5